

陳氏荷華山房詩稿

陳氏荷華山房詩稿卷之五

高安陳邦瞻德遠著

七言歌行二十三首

武夷山歌送吳元翰歸閩併寄曹能始

吳郎告我武夷去乞我爲作武夷歌武夷眉目  
我未識其能吐吻出嵯峨七閩處處仙靈宅連  
峯疊嶂生咫尺况復茲山最奇絕乃是元精灝  
氣之所盤勃仰睇蒼蒼不可極恍若青天黏石  
壁石壁瓊崖四顧崔嵬盤根如削陡合乍開漾

然九派銀河水縈迴捲作玉龍來朝暮幻景何  
儵忽千奇萬怪誰爲哉我疑天仙一念愛泉谷  
環視靈區此卜築不有神工與鬼斧橫空胡緣  
置方屋仙人却歸蓬萊顛煙霞鎖屋長千年喚  
白鶴嘯清猿何人對此不茫然雲臺真逸亦仙  
客還向靈山寄遐跡溪前款乃聽漁謳石上穿  
雲轟缺笛此後無人能獨往我欲從之勞夢想  
丹梯翠壁久塵埃側身南望令心哀自是世途  
牽腐鼠豈因仙路去無媒勸君茲遊勿草草人

生只合名山老山中之人有曹丘因君爲問相  
思不

故邵武丞縉雲鄭公遺祀錄長句

前輩風流今可數 孝宗之朝古未覩廟廊諸  
老多元龜郡國小吏薄乳虎當時事事摠堪傳  
如公名德更無前承家不忝康成業絕學還過  
楊子玄天生大材必有用誰言棗梲代梁棟青  
衫作吏自逍遙十年轉覺閩山重男兒不願萬  
戶侯亦不願大名垂九州但願循良滿人口道

傍棠樹長千秋只今黃蕉與丹荔殷勤伏臆連  
衿袂當年兒齒盡生孫但說贊公猶隕涕此事  
于今久寂寥紛紛傳舍擁金貂因公獨起高山  
想轉令人憶 孝宗朝

舟次王家渡是新建伯擒寧庶人處感而  
作歌

西山乍捲章門霧片帆遠拂江頭樹春水茫茫  
無岸邊舟人指點王家渡風煙慘淡忽改顏爲  
陳七十年間故武皇御極愛遊戲陰雨忘作綱

繆計離宮歌管常遏雲天下兵戈忽滿地不獨  
西北起胡塵果爾東南生反氣仰射寧知帝象  
尊順流擬奪龍蟠勢此時勤王誰最亟羽檄奔  
馳氣淒惻王公慷慨建義旗一鼓江城俱動色  
入穴直探白額兒循江不假黃頭力劍氣遙連  
秋水光樓船俄逐飛煙赤北極祥雲本自黃南  
州殺氛無由黑河清海宴此一時經綸想見艱  
難日風檣陣馬安在哉江水悠悠江水寂說罷  
沈吟轉自哀目前時事猶可猜蕩然猷畝爲溪

四日在書  
卷之六  
壑安知不有盜賊生蒿萊窮儒何用憂念此濟  
世自合英雄才古來治亂尋常耳放歌聊與雲  
徘徊

補天行

合溪遇風雨作

昨來積晦彌三月新晴始旋開顏色野老田父  
盡歡喜漁子相隨棹謳發我時揚舲下吳越江  
花萬疊嗟奇絕誰知天地忽變異惡風吹江江  
爲裂蹴天白浪三百里江心滾滾如堆雪蒼茫  
似有神靈聚咫尺惟聞雷電掣長年低回計無

出東望葦洲眼流血此事君其問水濱巨魚往  
往餐人骼薄暮雨歇風漸遲纖月含雲裊裊垂  
開尊更就長年飲翻愛萬頃鋪琉璃水禽陸禽  
競媚嫵前者何恐今何嬉酒闌興極語復默重  
念疲民轉悽惻去秋無禾夏無麥鎮日望晴晴  
不得江南健兒好身手甘以刀劍爲衣食嗚呼  
商羊日日跳清晝五石何人補天漏

放歌行

徐沛道上作

少年負奇氣談笑傾九州喜作封狼計慙爲負



郭謀讀書萬卷猶敝帚落魄狂歌長使酒浮雲  
富貴不關心舒卷興亡却在手遭際還爲得雨  
龍棲遲寧作喪家狗竭來抱策謁明光奚囊片  
紙挾風霜籌邊肯自輸晁賈作賦端不讓王楊  
祇言天子賜顏色寧知主者移宮商金門不  
待公車詔王陞難隨執戟郎黃埃赤日令人老  
二月遂別長安道五噫歌聲猶慷慨三閭形色  
漸枯槁徑須拍浮向酒船倏忽窮愁盡如掃桑  
田碧海亦須臾安用區區惡懷抱君不見重瞳

公暗鳴叱咤萬夫雄子弟江東俱赴義諸侯河  
北盡趨風一朝勢盡身亦刳美人駿馬皆成空  
君不見赤帝子揮劍斷蛇氣如虎五年帝業反  
手成雄圖英略震前古只今無樹可棲鳥空見  
長陵一抔土兩雄當日浪經營自餘么麼盡可  
輕夢裏槐宮曾闢土世間蝸角兩稱兵星流電  
掣同過眼白衣蒼狗何須驚漫令磊塊填胸臆  
請君歌我放歌行

歲莫醉歌

白日西飛不可留歲云莫矣心之憂我今且勿  
憂得酒須歌歌復謳男兒生死任天地常年醜  
齷終何求苦心希富貴富貴如朝榮折節慕儒  
俠儒俠亦虛名如澠之酒不解飲枉將七尺施  
愁城南樓夜色青燈吐酒酣北斗在庭戶燈前  
顧影自婆娑喜極還提如意舞良夜樂難終春  
回花自紅人生行樂耳安暇泣途窮但愁酒醒  
樽已空千歲之憂復填胸

送顧司理貳守太原

江左名家推顧陸千載風流尚相續使君自是  
虎頭才早以聲華照兩脰大江西刻錦江城握  
節爭傳佐理名行車忽灑銜寔雨臥閣長陪坐  
嘯聲臺符省檄何填委利劍吹毛那足齒已見  
雪霜寒三伏復道陽春行千里薦書朝夕動明  
光黃門烏府遙相望胡爲不待金門詔五月驅  
車上大行大行山色浮天起五臺滴翠媚行李  
鼓吹聲連大漠雲佩刀寒照滹沱水宦遊如此  
氣雄哉聖主終憐保障才共道功名收半刺題

輿遠上黃金臺

讀四家錄書似家叔伯客

西來大意的何如見說三乘一字無諸天有衆  
看龍象法會何人捋虎鬚可憐力士狂奔走不  
信額上有圓珠百千三昧毛頭許畢竟機鋒竟  
何取十指欲撮妙高塵一口橫吸西江水將頭  
安頭信不然以劍害劍寧有此我聞妙語轉生  
疑思君說法震春雷能令勝相生蓮座不許纖  
埃污鏡臺試問從遊飛鴨處若爲拽得鼻頭迴

題武昌熊中丞三異卷代作

中丞早歲游海瀛海上濤頭方怒爭偶然失足  
海之濱蹴天白浪不能驚蒼茫似有精靈射咫  
尺那許蛟鱉橫從來異人神所降如公身合青  
雲上山房夜讀氣崢嶸胸蟠霓虹幾千丈赤手  
驅虎如驅羊何物咆哮敢相向猿臂將軍誇有  
神彎弓沒羽空豪壯自公射策獻承明疆圉紛  
紜事請纓仗劍秋旻星斗避提兵瘴海妖氛清  
海中白龍有魚服遭君免爲豫且辱吐氣頓令

萬旅驚鼓濤坐致羣夷魴雀環蛇珠徒爾爲魏  
顯功成事已奇何如十萬樓船隊凱歌十日偃  
征旗祗應陰德雲仍在侯印還成左顧龜

宿州故無黃河邇來泛溢遂成巨浸間渡  
艱危頗甚因感事作歌云

曾聞桑田變滄海安得河流常不改漢帝枉將  
壁馬沈匏子高宮今何在晉時呂梁百丈洪巉  
巖却入污泥中千艘鱗集何由通俯瞰欲問馮  
夷宮宿州城北桑麻野河流忽來走其下盤渦

便擬穴蛟龍崖涖何因辨牛馬飄泊孤舟一葉  
橫怒浪翻空勢如瀉長年束手無顏色櫓輟篙  
停互哀咤我聞河水天上來鞭霆掣電誰能回  
禹功湮沒無人續如雲堤勢空崔嵬况復智巧  
事穿鑿幾使人工斷地絡咄哉河伯愈不仁漫  
將膏血填溝壑君不見大倉粟水衡錢百萬輦  
輸無息肩治河中丞官九遷年年濁浪自滔天  
書綿州李太公詩冊同寅上林君之尊人  
也



三涪山人隱是仙醉中往往亦逃禪由三爲一  
道固然莫言千載無同調君平周易子雲玄  
幾年散盡橐中金才見哀鳴已涕淫新衣覆瑾  
肯沉吟獨坐時時猶疾首豈無饑餓在桑陰  
牀頭落落一囊書膝下昂昂千里駒種樹養人  
道豈殊兩地循良高卓魯爲公稍稍用其餘  
自從托興在冥鴻倒影飛霞入短筇何似東華  
十丈紅白首安車來漢邸當年笑殺魯申公

送曹尊生北上考計

習生弱冠樹赤幟海內文章一高視挾書早上  
金馬門漢廷錯愕異人至有才不解貯木天坐  
令金匱少奇字持籌書獄兩絕儔功名無乃非  
其意流俗偏憎白眼人陸沉那識青雲器世態  
風波故不常男兒肝膽差堪恃五斗還輕萬戶  
侯寸心自愛千秋事誰能碌碌向貴人乍可悠  
悠稱傲吏去年探奇武夷山千疊煙霞生篋笥  
今年上計長安道萬里風雲擁征轡南北浮沉  
何不可英雄肯自深憔悴君不見文皇宣室感

鬼神夜半御床前賈誼

我思寄沈仁祖工部

我思美人乃在小山之傍桂樹之陰望而不見  
傷我心春風歲歲吹芳草春草綿綿思遠道但  
見風塵衣上緇誰憐顏色鏡中老憶管長安並  
轡時翩翩意氣如風馳心輕衆女娥眉妬笑殺  
羣兒學步嬉有賦不獻長楊館有詩不奏定昆  
池詎從今日嗟遲莫頗悔當年輕別離別離方  
未已飛蓬無定止但愁天上雲不照汚池水南

旺長官今何如

平生

平安好寄往來書白雲使老

應北上

鎮朴

青燈夜語知相向憑君爲道相思深

我今欲賦還山吟江上暫寄梅花信山中遲爾

瑤華音

東同年張我先廷評

我昔評刑廷中署自言身是神仙吏曹空吏散  
日未移飽飯看山無一事山色龍蟠真氣深朝  
朝翠滴訟庭陰浸天萬頃明湖色出門一望清  
人心歸來門巷絕迎謝仰面長歌屋梁下寂寥

併遣妻兒喧懶惰不遭官長罵自從持籌入司  
空兩月長陵泥土中復遣臨戎聒鼙鼓何曾白  
羽生清風坐此心情長似醉夢魂每傍湖山去  
聞君新踏堤頭路恍然記我題詩處張夫子聽  
我歌人生在適意安復問其他有官何用貴有  
俸何須多我輩不能俛仰向人候顏色低眉自  
作平津客又不能目如電光舌如虹翻飛

帝城結子公只合置身向閑散縱酒吟詩趣強  
健他年儻復乘風雲起濟蒼生未應晚

盧龍行送祝石林諫議入奏

送君盧龍山君向盧龍道盧龍山下花冥冥盧  
龍道上塵浩浩君行謁帝承明間會看丰采  
動朝班九天但覺風雲壯萬里寧辭道路艱自  
古匡時須有策洛陽痛哭已煎迫屏間片語損  
沉荒至今使人思班伯多君十載青瑣中飛章  
時動明光宮豈有從容親獻納不令殿閣生薰  
風送君天南望天北盧龍日色連天碧攬取山  
頭千丈霞與君聊作補天石

別呂王繩少叅之河北

欲識別離意先言結交情結交原不淺別離那  
可輕憶管通家聞高誼一言便許千秋事自茲  
邂逅輒論詩不嫌剝啄頻問字帝城花月久  
留連羨君王樹臨風前何人不嘆典刑在就裡  
誰知意氣偏君今奉命向河北王程欲留留不  
得送君江上使人愁孤舟天際漸難識思君韞  
藉爲郎久省眼班心管無有當年水鏡自掄才  
十載金印方縣肘丈夫得意未蹉跎淇衛風流

可奈何試問芍藥水邊曲何如樛木後園歌

自龍津至天寧洲將渡江阻風是夜飲陳

石父書舍作歌志感

君不見大江之流何喧豗直射海門勢不回吞  
天浴日幾千里雄風驅浪如奔雷從來天塹限  
南北武騎千羣空嘆息時清舟楫誇利涉賈舶  
漁舳輕咫尺我管京口問三山金碧熒煌半渡  
間留雲亭上凌風立恍疑身到銀河灣又曾臨  
戎出浦口畫檣輕橈如戲沼白羽一揮衆不譁



戈船陣勢橫魚鳥今辰何辰古渡頭胡不鳴笳  
擊鼓赴中流天吳陽侯方競怒白波萬頃蹴龍  
湫萋萋芳草滿長洲浮雲漠漠使人愁同行二  
三子爲我置酒揚清謳人生得醉百無憂中夜  
燈前勤勸酬我不能乘風直上蓬萊顛煙霞滅  
沒挾飛仙又不能巢居林臥觀無始人世波濤  
不入耳一年來往復一年萬事蹉跎空自憐身  
非巴陵大賈揚州客鎮日沙頭候風色

山中樵

山中草木如雲稠山下之人兮樵採無時休經  
冬不枯春復長長條脩幹隨所收嗚呼嗟天  
初曙相將出門刈樵去但聞斤斧響丁丁雲深  
谷杳不知處空山窈窕遇人稀仙翁對奕開石  
扉相逢豈必爛柯立往往拾子山中歸歸來荷  
檐動盈路婦子嘻嘻應門戶池中有魚園有蔬  
旋劈新柴和葉煮昨朝挑賣向城隅如聞官府  
急追呼賣柴沽酒好安眠但恐里胥人來橫索  
錢

閔大夫歌送同年昭余屯部請告歸覲太夫人聞太夫人精佛理故有末段

閔大夫別君長干烏衣之里餞君玄武白雀之湄勸君滿酌烏程酒爲君高詠閔宮詩君家壽母古無比心如寒蟾皎秋水管年柏舟嘆仇離此日華堂歌燕喜燕喜正春暉帝鄉游子歸柳色搖金轡花香入彩衣紫誥鸞迴天語溫金象服出天孫衣冠翕踏尚書里絲竹駢羅孟母門人生得意令如此富貴封侯何足數卽看

諸公爭避車却笑鄉人誇負弩閑大夫爲君歌  
一曲此曲異前陳閑道意頗清淨因六時不動  
楊枝塵膝前好傍宰官身西竺瑤池共一春人  
間極樂更絕倫大士常現蓮花相小兒卽是倫  
桃人

壽成山伯王公太夫人七十代作

金風初灑高雲涼朱門榮戟耀晞陽歌鐘絃管  
沸華堂堂中阿母壽而康紅顏綠髮雙瞳方副  
筭六珈照珎璜身被天孫雲錦裳阿侯跼進萬

年觴彩衣戲舞喜欲狂上婦盈盈出琳房芝蘭  
玉樹儼成行子侯早佩金吾章中庭拜舞極趨  
翬今辰何辰樂未央共言阿侯勝王祥阿母千  
秋有餘光人間何處更仙鄉瑤池花樹徒蒼茫  
三足老鳥自翱翔

點蒼山圖歌爲馬駕部賦

我所思兮在點蒼欲往從之溟雲長側身南望  
天渺茫今辰何辰登君堂恍然寘我山之傍一  
十九峯俱在眼磴道邐迤岩障轉雲霞變幻出

復沒草樹蒙籠知近遠仰觀如見天門開雲屏  
石扇俄中樵迷花倚石興不極芙蓉掩映金銀  
臺何來飛流直下接洱海銀河亂落星辰改乍  
驚素練掛長空復覺榮光生五彩千巖萬壑久  
漸分鸞吟鶴唳如可聞始知畫史有神力能將  
寸管奪英靈美君傍山置茅屋十年雲臥冷空  
谷一朝龍躍起中原夢魂猶在山之麓五色粉  
圖信足珍神山萬里長隨身却笑桃花源裡客  
千秋誰問五陵津

峨嵋山歌爲劉夢胥賦

君不見峨嵋之仙山萬古橫  
林西南天一十七峯相鉤盤  
芙蓉片片王嶺岼拔地祇疑礙  
日月連空倏見生雲烟丹梯石  
棧徒在眼捫參歷井愁攀援  
上有霜厓天矯翔龍起下有玉  
洞瀟灑欲無底杳藹青霞幾萬  
重周廻黛色一千里璀璨如堆  
金碧間蒼茫忽落畫圖裏流泉  
晝夜瀉天漿香風春秋蒸石髓  
日落遙連劍閣雲雪消乍漲巴  
江水嗚呼此山何太雄東壓扶  
桑西崆

峒地軸長不轉天關呼吸通千秋萬歲人跡絕  
瑤花琪樹但明滅青蓮獨現普賢臺白虹長掛  
玉皇闕仙人鸞鶴自往來香霧玉笙時不歇我  
作峨眉歌逸興浩洪波便欲乘黃鵠九萬搏風  
過鞭霆掣電何超忽酒醒夢破復蹉跎劉郎豪  
士峨眉客白門秋臥愁思結側身西望忽長嗟  
眼底秋毫小吳越爲君高歌送君酒酒酣歌聲  
轉激烈人生聚首亦偶然飛蓬轉盼成分別他  
年一棹大江雲思君空望峨眉月



天都山歌送汪山人歸山

我昔夢遊仙手持綠玉弄蒼烟路逢仙人導我  
前爲指天都山蒼然鸞鶴紛紛空裡見笙歌隱  
隱度雲漢王女肩披紫霞帔青童手執桃花扇  
飄搖琪樹泛光風倏忽瓊臺生紫電我時飛步  
越崔嵬直追倒景騎風雷舉袖亂拂星辰落柱  
杖爲撞天門開俯看千峯盡培塿三江五湖同  
一杯偶然折翼九霄落空有心神寄遼廓桃花  
流水去無蹤翠壁丹崖幾萬重天樂嘈嘈猶在

耳仙人玉女不復逢汪生家本天都住平生衣  
裾染香霧何年失脚落塵寰檐簷久踏白門路  
一朝逸興動雲林秋江早賦還山吟便攜妻子  
入岩谷掉頭獨往意何深白雲桂樹曾無恙猿  
啼鶴嘯清人心悲風千里送君發斗酒殷勤情  
欲裂何以贈君太古琴朱絃嫋嫋音不絕他年  
夢境成真遊與君石上彈松月

陳氏荷華山房詩稿卷之五終

陳氏荷華山房詩稿卷之六

高安陳邦瞻德遠著

七言歌行一十四首

古金陵行

金陵自晉帝王都虎踞龍蟠天下無紫蓋呈祥  
開紫極黃旗獻瑞啓黃圖襟吳帶越還跨楚百  
粵三巴屬吞吐上流開閩壯西門京口屯兵雄  
北府當年戰伐何紛紛江東豪俊氣凌雲小出  
濡須摧魏甲大呼淝水却秦軍入洛曾聞申吊

伐飲江立見掃妖氛從茲王氣鬱長久六代全  
盛無不有玉帛漸誇四表同圖書况號千秋藪  
彤庭麗藻奮風雲天祿秘文窮蝌蚪顧陸風流  
本絕塵王謝貴倨更誰倫朱雀軒車流白日烏  
衣甲第照青春一疏雲霄能薦士千金曲讌更  
留賓吹噓盡作朝中彥顧盼堪爲席上珍別有  
雄豪驕意氣三條五刺連遊騎狹路香風紛綺  
羅長干夜月凝珠翠燕語鶯歌春復秋鳳管龍  
笙樂未休桃葉桃根迎渡口垂楊垂柳向樓頭

同心並引結蘓小艇子爭催送莫愁自矜氣勢  
無摧折豈謂繁華有銷歇管聞荆棘臥銅駝今  
見芳巾生宮闕鳳皇臺一起秋風燕雀湖邊落  
照空公主惟聞傷破鏡侍臣誰見愴遺弓古往  
今來共垂涕但說興亡如夢寐異代徒生禾黍  
悲當時肯作苞桑計玉樹流光春自開夜潮明  
月去還來空餘庾信南冠泣千古猶憐作賦才

### 金陵行

淮甸飛龍日金陵定鼎年百川同赴海萬國並

朝天朝天宮闕中天起璇題玉柱雲霄裡洪武  
門當太乙前太平堤拂鈎陳尾鳳曆肇開鳳在  
廷龍官布列龍爲紀南國河山似畫圖天下車  
書若流水是時天子御明堂令辰日晏但垂  
裳疆宇跨周漢民物轉虞唐西北旄頭落東南  
波不揚腥羶一洗天河淨兵氣銷爲日月光將  
軍解甲罷登壇才子承恩在金鑾方外除書香  
案吏禁中曲宴玉堂仙朱瑟並傳清廟曲彩毫  
爭賦帝京篇天清地謐無窮已斗轉星回有

終如鼎湖龍去誰能攀珠丘鳥散蒼梧間管聞  
周家卜洛邑今見黃屋鎮燕關千秋此地成豐  
鎬舊國煙花四時好內殿時聞警蹕音衣冠日  
聖橋山道離宮別館勝丹丘分曹列署儼瀛洲  
金人承露凌空立玉女吹簫跨鳳遊侯家臺館  
春長在主第笙歌夜未休青牛紺幘東門外白  
馬金羈南陌頭別有琳宮連梵宇逶迤緣磴復  
臨渚雨外天香冉冉垂風中仙樂飄飄舉勝侶  
終朝集求羊玄言滿座傾支許此時玩世足優

游此際沉淪君莫愁早知京洛多豪貴其如江  
左盛風流桃李臨風驕白日芙蓉泣露冷清秋  
久留郎署終難遇一辱泥塗遂晚收馮唐狗祿  
頭欲白賈誼上書空憂國綠樹陰陰羅雀門青  
苔寂寞草玄宅世路由來似轉蓬一貧一富抵  
掌中管日白眉彥今代黑頭公土龍終致雨石  
燕亦翻風謝安常捉鼻殷浩漫書空誰惜王文  
度獨步擅江東

湖雁篇



秋山落葉秋聲瑟遠水浮天天一色日暮惟見  
平湖深扁舟遙界天光碧此時南雁正爲羣此  
際悲鳴斷續聞幾處淒酸叫涼月數聲嘹唳破  
寒雲雲破天清月侵沙無端哀咽向蘆花早梅  
暗落高樓笛楊柳驚飛出塞笳幽修似伴魚龍  
語更共啼鳥催牕曙思婦天涯夢不成征人故  
國淚如雨曾說聽猿易斷腸那知聞雁重悲傷  
九秋霜露寒更苦千里關山夜獨長塞北江南  
天浩浩斜飛欲盡衡陽道足下何曾寄客書聲

中只解催人老人生真憂是別離他鄉霜月易  
成悲誰家錦幌銀屏夜過盡寒聲獨未知

七夕引

鵲橋婉轉銀河渚今夕佳期勝三五錦幌初疑  
香霧開羅帷乍作輕煙舞始知相別會相逢倏  
忽爲雲又爲雨小婦乞巧上高樓獨夜深閨王  
兔流心悲塞上關山色腸斷機中紉素秋空嘆  
織手年年巧但織回文字字愁此時孤懷不可  
道此夜空牀令人老婉結流蘓枉自垂寂寞紅

顏爲誰好去年已憶淚沾衣尚恐明年愁未歸  
不見水際鴛鴦合但覩橋邊烏鵲飛人心由來  
有新故誰能一笑長相顧朱絃自繞白頭吟黃  
金空買長門賦轉思天上更多情一歲一踏河  
西路

皇都行

地脉盧龍塞天文北斗樞烟花開甸服錦繡麗  
皇都皇都宮觀連虹起複道東西何邈迤平明  
冠蓋開於雲鎮日軒車流似水王勒交馳九陌

前珠繩隱度三條裏三條九陌多狹斜可憐甲  
乙鬪豪華寶劍千金歸俠客珊瑚七尺出侯家  
沈沈椒殿原通藉渺渺銀河可泛槎延年女弟  
稱傾國趙家姊妹尤殊色自矜一笑解回天世  
間紛黛爭不得長信梧桐秋已變昭陽花雨春  
無歇天上雲霞十二重龍樓鶴禁幾相通但聞  
琪樹標仙苑不覩瓊花入漢宮誰持尺一商山  
去招得茹芝四老翁

元宵篇

青帝風光麗神州樂事繁天上縣明月人間作  
上元上元月色倍光輝瓊樓絳闕共逶迤霏霏  
泛雪搖三白裊裊連燈亂九微九微熒煌不知  
數禁籞分明見天路霧影初消雲母屏星光遙  
綴珊瑚樹桂宮蘭殿一時開驚聞天子幸蓬  
萊侍臣佩映九華扇宮女粧明七寶臺臺下參  
差彩旗矗鳳吐流蕪龍銜燭撚金伐鼓不暫停  
金娥翠管輕相逐颯然御幄動微風翻出霓裳  
羽衣曲曲罷銀河月正中簫聲轉入上陽宮戚

里車茵光照地侯家行障簇生風侯家戚里競  
繁媚春燈百巧窮新意茵蔯花亞比目遊玫瑰  
葉齊嬌鳥睡徵賔盡致珥貂人選藝旁羅挾瑟  
伎俱道朱門錦繡筵不輸內苑魚龍戲此時燈  
火正氤氲此地行歌處處聞仙衣浥浥染香霧  
寶馬翩翩踏彩雲仙衣寶馬去未已帝城何限  
繁華子北里名倡贈荷藥南國佳人似桃李可  
憐三五正佳期可憐二八正嬌姿匣匣歸來燈  
未杳水晶垂后月初移墮鈿遺簪滿狹斜千門

如水侵春紗不知何處高樓笛吹盡寒梅萬點  
花

征南行

漢皇昔日議開疆尺箠撻盡西南荒諸夷彈丸  
何足下直取羈縻同犬羊歷載二百無寧狂誰  
使么麼化陸梁庸蜀江畔腥血沸貴筑城邊白  
骨僵已聞伏波下桂水更遣樓船浮豫章抽兵  
悉配三河士選戍全徵六郡良幕府上將氣如  
虎監軍使者新持斧號令風霆威雪霜滅此朝

食焉足數塹山煙谷事窮攻密籌叢篁蛇虺中  
頗虞金匱填壑委轉愁瘴癘連營空水上墮鳶  
漸堪憫穴中鬪鼠誰爲雄自昔攻心稱上策思  
田憑祥總前轍不然州郡亦良圖張喬祝良今  
豈無收取十萬行營旅東戮鯨鯢北繫胡

燕歌行

客有談互市事者因賦

漢家煙塵在幽朔和戎當日用戎索天子遠尋  
魏絳功單于近守奉春約但令烽火絕甘泉肯  
惜金繒被絕漠胡兒驅馬下陰山漢使輦金出



榆關漢金歲歲填瀚海胡馬朝朝入御閑越羅  
蜀錦耀朝日胭脂併賜天家出胡王氊裘變雲  
霞胡中婦女生顏色從茲幕府臥旗鼓幾年不  
識沙場苦文吏軍前報簿書美人帳下呈歌舞  
已見食桑能革鷄詎疑生物終驕虎沙暖泉甘  
草更肥胡兒日飽漢兒饑將軍絕口鳴雄劍壯  
士無心試鐵衣不見呼韓稽顙日一朝雲合雁  
門圍

# 江都行

隋家天子盛遊觀東來不復憶長安徵兵百道  
渡遼左却向南州泛龍舸從來夢裏愛江都果  
見繁華天下無銀河倒捲長渠瀉錦帆遙集邗  
溝下可憐水殿芰荷風絕勝金宮花月夜興衰  
自古漫成悲此事君王心自知後庭王樹纔蕭  
索倏見楊花亂零落三千粉黛盡成灰七十鴛  
鴦去不歸君看廢苑荒榛地只今猶有夜螢飛

春愁曲

眞珠綴鳳王盤龍雀釵搖翠金芙蓉含啼歛笑

燭無奈簾幃日射春光濃花影離離中碧色千  
年舊恨丁香結擬把金針紉紅絲絲紅欲滴鴛  
鴦血凝情重倚赤欄干梨雲如夢柳漫漫春山  
盤結平蕪盡崣峭東風薄莫寒

禱衣篇

美人少小恨離居蕩子從戎十載餘難逢海上  
春歸翼枉織機中錦字書明月空牀分獨守可  
惜紅顏變衰醜柳葉經春鬪恨眉飛蓬盡日隨  
搔首情知有路向金微下堂無計學翻飛惟有

年年西風夜爲君盡力禱寒衣禱衣未寄心愁  
絕思君夜臥燕支雪胡馬長驅方未休漢軍轉  
戰何時歇斗帳流蘓捲盡堂紫燕雙栖玳瑁梁  
珊瑚寶枕龍鬚席對此令人空斷腸不辭爲雨  
復爲雲夢裡相隨路不分何當竊藥奔蟾窟長  
逐清光得照君

江南春爲陳光祿以仁賦

江南三月春風好畫輪遍碾春郊草何處青樓  
垂柳多誰家紅樹啼鶯早柳色鶯聲俱可憐何

限繁華媚少年金尊長對三千客錦瑟爭彈五  
十絃陳郎家本江南住探春欲遍江南路別開  
亭館最幽奇貯得春光應無數尊中有酒莫遼  
巡好向花前愛惜春倏忽青銅悲白髮誰能白  
日老紅塵

燕燕篇

燕燕爾何來雙飛向華屋呢喃雕梁上朝棲莫  
還宿主人恩厚等皇天傍主長思得主憐春風  
習習拂毛羽盡日珠簾繡戶前豈無蒼鷹解搏

擊獨立愁胡任超忽高堂不動安如山我生自  
藉主人力一朝時事有變遷燕尾離披難自全  
主人瞪視不得語豈必棟宇隨飛煙海天茫茫  
秋霧白鳥衣濕盡眼流血早知中路有摧折悔  
殺當初傍炎熱

題千山紅葉圖送姚園客歸閩

江南九月霜暗飛秋光春色兩依稀萬樹欲丹  
疑濕霧千山如醉帶斜暉畫史含情拂纖縞解  
作秋妍秋不老自識晴雲羃錦林莫疑赤燒連

衰草此時遊客正天涯此際離腸忽憶家聽絕  
啼鶯嬌映綠愁看飛鷺齊落霞闔天杳杳接江  
路酒罷送君從此去想得遙窺荔子丹尚疑題  
葉斷魂處

七夕曹能始席上賦得博望槎

梧桐葉脫秋聲起迢迢秋色淡如水天上佳期  
玉露中人間良夜金波裏此時漢使向河源此  
夕乘槎犯斗垣但驚官舍嚴城府那識天孫遇  
河鼓雲堦月地難久留飄然枯木復乘流歸來

不問成都卜肯信身親見女牛從此人疑有天  
路俱言河漢清可渡帝子英靈空有神千秋別  
淚自沾巾可憐如練南樓色年年愁殺問津人

陳氏荷華山房詩稿卷之六終



陳氏荷華山房詩稿卷之七

高安陳邦瞻德遠著

七言歌行二十二首

雪中戲詠

江南春色從來早今年風雪何浩浩豈是天公  
能好事別與人世開蓬島萬木難爭玉樹奇千  
葩不鬪瓊花好但逐真仙躡彩雲莫學遊人念  
芳草

真珠簾曲

白岳雨君洞有泉自  
石額碎垂名真珠簾

雨君洞口王泉碎千點萬點如珠綴爭疑帝女  
愛垂簾故遣鮫人常賤淚靈光漱灩復逶迤欲  
斷不斷何纍纍日高繡額娟娟吐霞落流蘓婉  
婉垂纖月如鉤空自轉秋風吹盡長不捲的礫  
還隨北斗斜熒煌直射銀河淺萬斛明珠信有  
神絡遍靈岩不染塵獨憐合浦無還日人間只  
解組湘筠

夏相國白鷗園歌

我來葛溪水試問白鷗園路人煩指點彷彿見

朱門朱門當年手可熱今日池臺鎖空宅  
春風久寂寥梧桐夜雨自蕭瑟憶昔先皇致衆  
賢夏公慷慨獨英年已見片言契魚水更思談  
笑盡凌煙瑣闥獨立何磊落黃閣巖巖類喬嶽  
草疏動咋涓厓舌奮髯欲折永嘉角勲名早就  
鬢未皤丈夫得意可奈何門外金章填畫戟後  
庭玉貌雜笙歌歸來江國愛江沼容與含情對  
鷗鳥草色空憐綠野春鷄聲催候東華曉由來  
衛霍互興衰何況田竇有傾移遂令漢殿賜環

日俄見吳門齒劍時滿堂賓客已非故蛾眉流  
落瘴鄉路鳥雀還飛翟氏門牛羊早上孟嘗墓  
百年往事已依稀尚使游人淚滿衣白鷗獨是  
忘機物依舊煙波自在飛

送吳按察本如入覲

湖上風高秋浩浩白日黃雲澹秋草離亭載酒  
欲斷腸送君遠上長安道長安大道直如絃漢  
家宮闕五雲縣侍臣聯佩趨華省才子彈冠近  
御筵憶君典禮含鷄舌粉署魁梧推秉哲楊芬

詎獨並王揚許身早已同稷契自從結駟去都  
門幾年官起外臺尊獨持風紀高吳越法星萬  
里映天閣此際明堂集方岳使車煌煌動京洛  
曉看花色滿上林夜聽鐘聲出長樂眼前突兀  
黃金臺吊古悲歌何壯哉莫嘆浮雲滿閭闔指  
顧青天四望開世路悠悠那可覩如君意氣疇  
能伍雖知調笑薄公卿還將風采動明主惜別  
憐予最苦辛越臺高處望楓宸祇應宣室齋  
居夜遙想雍容獻納人

公署獨坐對雨頗有牢落之感因賦長句  
江天漠漠黃雲起江城四面飛寒雨初聞淅瀝  
洒高樓復道溟濛添遠水晝翻庭樹氣方森莫  
滴空簷聲未已此時孤恨向誰論風雨由來易  
慘魂誰家燈火猶照夜何處樓臺不掩門憶昔  
山房讀書處打窗那管雨如注少年不省別離  
愁空誦韋郎對床句自從南北學浮萍每當聽  
雨倍傷情瀟湘作客紅顏盡南浦懷人白髮生  
只今已向征途老愁心歲莫如春草豈緣夜雨

倍淒涼自是羈人惡懷抱世事茫茫難可期一  
官牢落欲何爲君看散髮鴟夷子煙雨扁舟信  
所之

西湖遊女歌客有談西湖士女之盛諷予  
禁游予笑之戲爲作此歌

西湖初漲桃花水錦流蕩漾春風裏閨中少婦  
欲出遊湖頭花柳正如綺畫船並集湧金門寶  
馬初停白玉軒香氣乍離珠箔遠輕橈漸傍湖  
山轉蛾眉美盼婉清揚光彩爭誇時世粧已驚

顧影沉文鯉還願將心托錦鴛由來西子浣紗  
畔絕勝羅敷陌上桑江亭池榭紛無數慣來不  
復問何處低徊別浦贈珠時婉約前溪拾翠路  
芳徑相扶闔草行旃林笑指燒香去春遊本異  
桑間期荅贈誰傳芍藥詩行露誤疑蕩子婦臨  
風愁殺游俠兒朝朝暮暮閑來往非煙非霧勞  
望想但令美化似周南何必冶容殊漢廣關雎  
逸唱已千秋後來樂府亦風流賸作竹枝三百  
首年年付與越娘謳



送李大叅慶白捧萬壽表北上

使君年少舊爲郎，鷄舌古罕含漢主香。起草明光誰不羨，持籌紫塞更稱良。承恩十載辭楓陛，出守一麾佐薇堂。南上吳臺頻北顧，浮雲不蔽長安路。夢裏時聞長樂鐘，雲中遙辨甘泉樹。瑤函新捧上蓬萊，仙仗鑾輿候曉開。寶錄千秋金作鏡，霞漿萬歲玉爲杯。翩翩舊侶章臺側，走馬相逢動顏色。太液池邊柳可攀，玄都觀裏花曾識。昔時題柱重田郎，今看禁闥還汲直。丈夫得

意是朝天朱衣綠髮儼神仙祇應江國褰帷者  
羨爾雄飛在日邊

謝生行釣臺吊宋謝臯羽墓

謝生草檄氣如虎萬死勤王丞相府市朝俄變  
天地昏燕山血碧蝕爲土昂藏七尺誰與歸釣  
瀨清風尚千古隱跡時作舊都遊故老相逢雙  
涕流六宮永黍正滿地野獮引子翻翡翠金碗  
魂驚白日新銅駝目覩荒榛葉可憐社宇血日  
夜洒冬青側身叫蒼梧虞帝無精靈此時孤臣

心不欲視昊旻從來二士心能許便付遺骨江  
之滄季布虛從朱家生梁鴻寧傍要離死君不  
見釣臺南燕臺北當日招魂招不得楚騷哀怨  
滿遺編歌罷空江轉蕭瑟

聽雨吟

寓池溪

朝發鍾陵城莫宿池溪館前山氣已沉雨腳欲  
凌亂夜半逐琳玲鷄鳴聲未斷淒淒切切聽轉  
深欲歇未歇傷人心已向空堦激繁響復從高  
樹送哀音淒清塞上寒吹臍斷絕閨中夜禱砧

憶昔林居守蓬葦慣向前山占雨色梧桐枝上  
泛徘徊芭蕉葉裏弄蕭瑟曉看偏愛竹房靜夜  
聽那管紙窻濕自從岐路嘆蒼茫每因零雨一  
沾裳但識此夜對床意不信微吟不斷腸

署中送別胡文選北歸

我昔歸豫章君初發武昌我今來白門君復返  
梁園憶昔聞名未識面羨君丰采如雷電鯨吞  
鰲吸方怒張能將赤手扶江漢從此聲名徹未  
央人言朝夕叩天閭憂國詎獨如賈誼悟主當

復似馮唐竭來騎馬白門道北望長安天浩浩  
醉裏高歌鳳鳥臺浮雲萬里無由掃人生結交  
詎在深感君一見卽同心寧知踪跡學蓬梗空  
言意氣奪蘭金江天漠漠連江樹極目中原杳  
如霧紅亭綠酒獨醒時落日行人在何處世上  
岐路未可期雲蒸龍變會有時男兒心事當自  
保若問悠悠那得知

長句爲張計部尊人作

君不見張翁意氣何雄豪平生萬事等秋毫早

年有志學岑范一朝脫屣從盧敖驂騮逸足隘  
八極蒼鷹勁翮秋天高人生富貴詎身致生兒  
却是廟廊器三遷斷織付賢母翁也逍遙無餘  
事歸來道路喜扶携翩翩眼底凌雲氣清朝美  
化如虞唐阿閣三重集鳳凰九苞之雛忽翱翔  
金泥王檢紫雲謁雙螭繚繞致高堂高堂方進  
萬年觴此時阿母在瑤島青鳥傳書路非杳兒  
能成名翁未老天上人間共相保須信蟠桃千  
歲根長與靈椿同不朽

芳巔峯觀雲氣歌

白雲海上來似向山中宿絕頂風高不可停羣  
飛徧繞山之麓搖裔初連翡翠城溟濛已覆萬  
花谷蒼狗白衣何足疑悠悠羃羃總堪奇滄洲  
蘆絮霜橫夕院落梨花月寂時洛川神女何由  
度巫峽佳人未可携欲飛不飛長曼衍似去似  
來無近遠平鋪湘水不曾流疊盡吳綾誰能剪  
未擬霞標誇赤城空將月色賦梁苑由來雲氣  
本無情舒捲千秋傍太清爲霖應滿三時澤映

日還成五色明當年却怪鳳臺客漫逐浮陰恨  
帝京

元夕之後十夜都闔馮君復張燈署中偕  
監司諸老劇讌輒賦長句紀事

春風夕捲青油幕北斗闌干何錯落主人愛客  
重張筵燈燭還開不夜天乍驚婉轉星毬墜復  
覩熒煌火樹連龍銜鳳吐紛無數彷彿非煙亦  
非霧姮娥初出廣寒宮天孫宛在銀河路落梅  
垂柳共悠悠珍珠簾箔滿紅樓壯士揮戈橫紫



塞仙人吹笛過瀛洲十二危欄月爭吐今夕佳  
期勝三五誰道新奇出內家更將繁盛誇軍府  
莫嗟燭滅歌復停過眼浮華俱如此君不見高  
陽豪士舊酒徒又不見成都才子自當壚飲者  
垂名獨萬古雲臺麟閣今已無但須酩酊酬良  
夜何用升沉問紫姑

閩都行

我來訪古入閩關浩歌遠上越王山越王山色  
長不改越王宮殿今何在當年龍虎鬪長安沐

猴空笑楚人冠英雄事定爭裂土南海威儀盡  
漢官時移物換幾千年冶城風景日芳妍山河  
總入黃圖盛開塞誰言霸氣偏三條五劇如繡  
錯繁華端不讓京洛年少遨遊學五陵朱門冠  
蓋如平樂釣龍臺畔春未央浴鳳池頭花柳香  
荔子夏丹長奪日榕陰冬綠不經霜四時士女  
多絃服百年時世有新粧還聞海俗爭雄利戲  
脊鯨波如履地快楫年年五島行奔帆夜夜雙  
洋至蜀錦吳綾恣輕裝夷琛蠻賁動成市珊瑚

不數石家高香氣那驚韓郎異以茲佳麗擅遐  
陬寶馬鈿車似水流自信烽烟長繩警自言歌  
舞不知愁馬援何須銅作柱張騫但問乘槎處  
閩水常疑天漢通閩山日射扶桑紅莫愁世事  
有陵谷莫嗟雲雨多翻覆好聽欄街兒女歌絕  
勝王樹江南曲

同年張憲副程川以捧萬壽表北上賦贈  
憶昔結交少年場一時豪俊俱雁行自許肝腸  
如白日共言意氣薄秋霜風流雲散各分手從

此浮沉無不有人間岐路任泥塗海上相逢驚  
白首丈夫朱紱未蹉跎其如世路蒼狗多漢廷  
但見侏儒飽燕市誰聞駿馬過送君五月朝天  
去炎海茫茫失煙樹鷄鳴四牡已長嘶落日雙  
旌在何處秋風闐闐垂衣裳羨爾承恩入建章  
願以千秋金鏡錄一上 聖主萬年觴

促刺行

促刺復促刺堂堂一去真堪惜少年意氣橫雲  
煙老大胡爲守空壁憶昔擔簦入國門直排閭

闔謁至尊書陳王霸二三篋口吐縱橫千萬言  
自謂功名可立取那知躋躋只如此萬事悠悠  
常避人一生落落誰知己男兒不能學朱雲慊  
慨請劍誅佞臣又不能學衛霍提兵沙漠淨胡  
塵有酒且堪醉有粟差可飽朱顏已不留白髮  
知多少徑須拂袖入西山不然秉耒歸南畝

惜花

因讀元微之南家詩擬作

水邊花氣如紅霧曉色瞳矐香滿路花紅映水  
自悠悠怕殺隨風逐水流花落水流空可惜相

逢又是經年隔安得四時皆似艷陽春一度花  
飛一度新

雪晴

高樓積雪不知夜曉日融融出郊野美人呵凍  
立闌干歛艷紅白光相射初疑簾際斷珠璣忽  
見虛簷水晶瀉眼亂雙蛾盡不成寒瓊迸落鴛  
鴦瓦

送成生洲考功

與君結交恨不早送君又臨千里道雖知金石

自可期獨有塵泥未能保白門山色正蒼蒼萬  
樹烏啼滿夕陽此際別懷那解說可但驪駒  
斷腸中原一髮青天轉君行匹馬知近遠野戍  
梅花落晚笳孤城楊柳飛霜管萬里河流大陸  
開寒空吹雁朔聲哀還從北極看南極高歌好  
憶鳳凰臺我本丘壑人君爲天下士升沉各有  
途氣味徒相似大鵬一舉搏扶搖滄溟簸蕩連  
雲霄何處更逢希有鳥與爾天路恒相招

送畢見素司封歸省

與君爲同舍歲月忽已深水壺貯秋月可以喻  
君心心知世路善坎壈但說陸沉無不可肯將  
名姓混長安空有風流被江左寒風獵獵犯征  
軒欲行未行已斷魂紅亭綠酒不能醉白髮慈  
親正倚門落日馬嘶行轉疾霧中煙樹黃山出  
欲知游子破愁顏已信高堂多起色幾年作吏  
在風塵一朝得計是娛親身致千金何足數家  
徒四壁不知貧我亦懷歸情最苦江頭相送淚  
如雨欲將離夢遠隨君繞盡寒江向南浦



送別徐光祿德夫長句

徐君標格何奇崛我初對之若敵國已驚逸氣  
薄層霄况覩寸心寒白日有時對酒恣談天便  
覺風雲生吐吸男兒肝膽直自知世上功名定  
何物馮唐詎合嘆蹉跎杜甫胡爲歌偈及許身  
稷契固有時致世大庭豈無術君看鴈鶚在秋  
空颺忽萬里誰能測送君此去近龍顏期君獻  
納摠忠赤漫嗟時事漸艱難但須君等能陳力  
我今豪氣欲如灰自笑一官等鷄肋殷勤操袂

竟何陳獨倚天南望天北

送舒碣石歸豫章

楊子江頭秋氣晚蘆荻洲邊雁聲遠送君西上  
豫章臺雪涕自悲鄉思滿君才昔日動西京獻  
賦君王識長卿一朝飛鳥下江海百里絃歌生  
頌聲由來意氣輕權貴一言不合輒投袂肯逐  
悠悠世上兒還對栖栖刀筆吏以茲浪跡向湖  
山興在孤雲獨鶴間題詩遍染禪僧壁看竹時  
叩野人關與君相慕聞名久道傍邂逅得携手

載酒方標蜀國玄  
臨風忽折吳門柳  
君去南州  
孺子家錦川  
我亦訪漁槎  
他年秋水長天裏  
散髮相隨美落霞

陳氏荷華山房詩稿卷之七終